



猗蘭臺集

一 三稿

13

~ 16
3371
13



門 16
號 3371
卷 13



猗蘭臺集三彙卷之一

文林洲

詩

江陵女歌

拾得紅裙帶江水自流東
離合不可知浮雲自
從風

紫騮馬

陌上錦裯襜陌上柳復綠
獨樹郎不來春秋長

愁毒

王孫遊

何處遊不歸王孫心無歇春草已萋萋雜樹五色發

望海

驚濤欲起海雲開八月長風疊雪來更見魚龍接天際一時作雨向蓬萊

題畫

松樹疊疊重曲經薜蘿老後人及先人攀來恐問道
過林忽豁然借問是何處舉頭白雲多山上常來去

桂華樓寄憶秀緯

西望羣山催落暉樓中酒伴一時稀幾年懸榻對明月何日開尊弄玉微槽檝歌哀騏驎老秋風書斷鴈鴻飛天寒終夜夢難結獨向浮雲事

總非

樓上

檻外雲飛落日邊
秋風坐裏入詩篇
更憐滿酌杯中色
白雪芙蓉萬里天

樓上戲作

秋籟登樓颯颯月
光滿坐煌煌
新詩高枕安志
濁酒一杯任狂天
地百代過客風塵
雙鬢如霜
古稀人世何苦唯
願醉中日長

桂華樓賞月得看字

樓上平臨木葉丹
留君終夕此交歡
盤殮秋熟青萼
淨杯酒霜清黃菊
寒萬里晴光開海
嶽一尊風色落欄
干停毫想得謝莊
賦宵宴方憐月裏
看

友人遊江島因賦問其勝

借問名山海上海
上浮風前月下望
悠悠此時一酌
與誰醉滿目驚濤
酒若流

猗蘭集卷之一
三
江島天宮大海開蹴天濤色檻前來羨君詩賦
錦囊裏萬里風雲裁得回
斷岸浮成萬丈餘山頭髮髯古碑書直看七十
五灘海忽起風濤冲大虛

九日登樓憶子遷

樓上清風入酒杯黃花寂寞席邊開定知君有
龍山約今日誰能落帽回
白雲雨後散江風濁酒黃花已不空竟日登臨

愛秋色醒來高卧一樓中

傾盡青尊醉裏長樓南回首憶君狂世間不解
酒中趣落帽風前雙鬢霜

桂華樓

木葉蕭條上苑頭抱樽此夕一登樓天門白雪
孤峯出南海長風落日浮染翰病軀成臥隱銜
杯秋色散窮愁老來縱有相如賦賦就時時屬
倦遊

暮秋送子遷游遠郊

把酒高樓留醉君
郊南秋葉散紛紛
風流想像琵琶曲
曲曲就堪停馬上雲

秋日偶成

徐步病生難遠攀
獨入園林心自閑
彈琴長嘯蟠松下
杯酒偏憐流水間
秋氣早來明月澗
寒雲近繞雪華山
杳然時憶歸田賦
都邑宦遊雙鬢斑

暮秋

老去悲秋切
人間萬事驚
花開雖遣興
葉落復傷情
過隙何為急
積齡看且傾
不如今日暮
飽酌一尊清

和忠榮席上作

瑤琴無恙桂華樓
中散更狂今日遊
為使青尊能醉我
廣陵一曲發高秋

初冬停雲館讌集分韻園字此日也子遷

不至因兼賦寄憶之意

相逢投轄停雲館酒伴舉杯遊後園唯恨空懸
徐孺榻誰傾偏滿孔融尊菊花霜裏黃將變楓
葉風前紅已翻枕麴藉糟今日事從來酒德睨
乾坤

送人歸隱西京北山

不意今宵別座中醒者稀何辭金谷酒已結薛
蘿衣澗戶迎人鎖山林待客歸明春思此會寄

贈北山薇

冬日游瀧泉寺

詩賦已催杯酒前風塵忽爾洗瀧泉能因支遁
愛吾輩歌出翩翩白雪篇

田家眺望

秋風村落暮寂莫渡寒蘆江外鴈鳴去回頭忽
有無

雪後集桂華樓得晴字

猗蘭臺集卷之一
不知昨夜晴積雪照樓明賦似梁園趣興兼剡
曲情清言佳客坐斗酒醉鄉名縱飲任他倒尊
前春自生

歲暮集得頭字

江上歲將暮白頭復白頭坐中勿笑我生事自
閑鷗詩拙難相適酒闌只可酬請看世間富何
似草堂遊

寄贈湖南隱士

湖南深鎖萬重山獅子峽頭心更閑貪看龍華
秋色遍定知無意出人間

題雪梅

下酒梅花發燈前寒色分四時帶香雪床上自
紛紛

雪集義喬得雪字詩不成見其苦代作

逐風翩翩飛積來成九折明月峯上光不讓芙
蓉雪

同賦木鄰得林字亦不成代作

坐來眺望好林外雪成林賦就草堂裏似爲梁
苑吟

元日署中作

金闕雙高雲影垂未央初日接天涯風搖玉樹
漏聲急雪滿彤庭春色遲漢署杯樽慙白首上
林楊柳待黃鸝百官共醉椒花酒歡樂不妨堯
帝時

人日登臺分體得七言古

去年今日登臺酌今年又酌黃鸝留黃鸝未鳴
觴如飛如飛落日猶未休昔時王母戴花勝漢
亭一會承華興花勝家家不異古慙懃持之爲
君贈解醒君勿笑將來且多少劉生再生此有
人酩酊抱尊復長嘯

早春游望

城南杖藜往卽是宦遊人霞色雜殘雪鶯聲送

早春放歌隨適意沈醉不知貧山水能迎我吟
行金海濱

春怨

桃李如雲天欲陰一時何事落花深昭陽宮裏
春風急不住香塵入上林
日長獨坐柳陰陰誰識春回春恨深難信落花
與啼鳥風雲不定遠人心

停雲館春燕席上贈子遷得林字

佳人相值停雲館啼鳥近馴高樹林起折梅花
為浮酒坐看柳色對彈琴豈忘老病青山夢堪
弄親交白雪心醉後如泥是生事從他蓬鬢不
勝簪

看花寄人

日日池頭愛興長詩中應憶百花香寄言倒著
接離白馬上春風來更狂

送察公歸華頂山

飛錫春風花正開歸時綠樹蓋香臺相逢華頂
山中侶不識何人能往來

春日登樓

高樓滿酌百花春且愛流鶯聽轉新日與風光
只須醉正當何用獨醒人

對花

百壺春酒不妨春日看東桃西李新醉裏溪行
遇花駐一時何怪武陵人

對花戲作

山上如雲白風來不拂雲正知花氣盛一片未
紛紛

山皆如錦繡花更似衣裳金馬陸沈客未知春
日長

芙蓉
白首原耽飲况逢花色濃何求仙掌露只酌玉

花集

北海尊中物客來更欲傾笑歡勸杯坐歌吹隔
林聲草軟春衣薄花浮池水清風光引吾輩一
日百年情

惜春

陶然日日甕頭眠吹盡春風杯酒前醉倚樹邊
勿相笑飛花啼鳥約明年

初夏小集

欲縱閑居意世情未得時已傷落花色漫起故

園思彭澤三杯酒山陰一局碁風流聊養老相
約鹿門期

仲夏樓上飲得吹字

五月高樓金屈卮欲傾預唱飲中詩從他白日
尊前落坐愛涼風拂樹吹

高樓避暑

西望城門百尺臺晚雲送雨過山開不知樓上
有三伏倚檻涼風萬里來

猗蘭臺集卷之一
十一
江樓待客不至

獨酌杯中物海鷗相對閑
偏期明月約空見白雲還
落日臨津樹片帆浮水山
思君心已切秋興一樓間

送友之參州

歸去參州是故鄉鳳來山下白雲長
遙思明月高齋夜無限猿聲堪斷腸

送信胤歸勝山

醉把瑤琴向碧天離筵一曲綠尊前
遙思到日秋風好月出勝山高樹邊

過八橋渡

高歌傳聽八橋渡映水含風杜若香
客路只今何所似才名猶唱在中郎

秋前一日樓集得寒字

江風吹送白雲端樓上杯盤向晚寒
已覺天邊秋色近相期坐裏月明看

捲盡湘簾風色寒
高樓留客酒將闌
醉來狂態猶憐冷
下倚飛泉洗玉盤

早秋

秋早江山雲欲飛
當樓遠樹覆斜暉
西風忽濺故園淚
書札天涯鴈未歸

晚涼

雨過雷聲歇
風生池水清
魚衝餘照躍
鳥喜晚晴鳴
微影上弦月
閑星北斗城
猶貪樓上夜
欲

惜半輪明

七月七日題賜瓜

朝罷思恩澤
甘瓜浮水中
已疑仙掌露
應與東陵同

清泉瓜愈冷
欲剝手生涼
自洗玉盤去
更忘秋暑長

年年賜秋瓜
白頭復拜賜
只恐如池魚
耽恩飽甘餌

秋扇

稍當秋暑衰閨裏素紈悲夜月來侵簟涼風吹
落帷已緣一日寵更抱舊時思棄擲今何急含
情復恨誰

秋江

一望大江冷心兼秋水連天高羣鴈過雲盡片
帆懸何厭滄浪濁偏思漁父賢放歌回棹去洲
渚夕陽前

喜雨

旱極雨初下黑雲覆太虛已忘炎熱苦却覺葛
衣疎林濕飛禽鳥池湛躍鯉魚晚來心更潔戲
欲採芙蓉

搗衣

秋風無遠近忽爾到邊城稍覺閨牕冷更驚霜
露清鴛鴦假寐夢離別當年情誰識搗衣思空
傳夜夜聲

秋池

秋池深且清載酒任舟行齊瑟揚歌和吳姬翻
袖輕風搖珠翠馥月照玉釵明何讓青龍興姑
蘇千古情

飲晚翠亭

晚翠清陰敞風流亦此亭春醪杯裏綠狂客眼
中青開牖散書帙採毫依畫屏夜來酌愈切不
使醉人醒

同前

秋風佳興入新題賦就尊前落日西爲是主人
能勸酒酒仙皆自醉如泥

仲秋桂華樓飲今夜未卜陰晴得天字席
上贈子遷

日將暮兮雲掩天良宵晴陰憐風煙舉杯共待
皎潔影悵然坐吟謝莊篇秋思未晴酒已闌謾
摘盤果散醉眠君不見黃河之水無清時人世

之樂亦如斯四十九年對明月半是與君此追
隨唯喜縱飲兩白髮酩酊相憐不朽期

送人還京

莫辭杯酒欲畱君別後關山唯白雲縱使帝京
勝遊好各天明月奈離群

秋晴對酒寄友

雲盡風清江水流江樓置酒對高秋君今共醉
耽明月那不來乘剡曲舟

送別

分手津頭楊柳寒秋風搖落暫相看扁舟千里
白雲遠欲問長江更渺漫

聞鴈憶鄉

謾欲問書信江頭白鴈秋秋山餘返照暮靄隔
行舟却憶東籬醉每從黃菊遊蕭條千里客無
分暫忘憂

訪僧不遇

秋晴任杖虎溪東欲近僧房落日紅借問秬今
何處在孤峰寂莫白雲中

秋夜

獨夜幽閨裏秋深思亦深窓櫺餘皓月村落急
寒砧鐘送五更響燈孤一別心鴈鴻鳴且過書
信自浮沈

晚秋與子遷飲得林字

相對一尊酒笑談意已深青雲非我志明月見

君心坐睨蒼龍闕興憐楓樹林醉中秋欲晚流
水惜知音

送人歸省故鄉

爲思膝下養束裝欲乘舟定省須相喜波濤豈
足憂輿巡長圃月杯泛前溪流堂上列孫子日
堪故苑游

歲暮飲松齋得人字

白頭何所作酩酊混風塵節暖梅先發興闌酒

自春相親縱飲侶寧對獨醒人醉裏年來往不知催老頻

雪集小飲得杯字

上苑北風飛雪來紛紛忽入坐中杯豈唯此興山陰好半夜松齋醉未回

早春晴望

早春朝退暇緩步驪山頭玉筍關雲遠金川海氣收鳥聲林日穩草色野烟浮適意逍遙去誰

知物外遊

題畫山水

瀑布三千丈半遮楓樹林山間如有響只是白雲深

佗山春雪寒獨坐抱琴彈長嘯可相樂不關世上看

牀頭濁酒杯開戶對明月山水適幽居何必戀魏闕

村落五六童汀頭弄魚釣不知得魚否常至夜
月照

晉後何人作畫出名山水雲烟似去來相看咫尺裏

題畫扇

池魚近汀沙家鴨眠石竹手裏生清風時時慰
幽獨

春日訪友人郊居

已歷郊春迴猶看嶽雪餘林中聽啼鳥江上躍
游魚談久飽村酒坐閑手道書更無塵事至寂
莫子雲居

飲池上

春風池上落花香如雪翩翩入羽觴莫笑接離
堪倒著不妨客是總高陽

花下漫興

尊隨春興更相携風暖花開黃鳥啼日日留連

芳草軟友人不厭醉如泥

堂成

堂成春雨霑垂柳綠巡簷語鶯窺閑席飛花入
捲簾興新詩已就心樂酒頻添儘似陶潛趣未
如歸去廉

杯酒自生事琴書舊友人醉消萬慮苦彈慰百
年身看又柳花艷情閑鳥雀馴山中何所遁皆
是太平民

與子遷飲書堂

爲看風月清林外草堂成樹有含煙色流傳激
石聲老來勞世事醉裏養浮生太喜君過訪今
宵復解醒

夏日書堂聞人歸故鄉因思甚

漢宮長夏退朝班隱几書堂心已閑檻外清流
迴層閣簾前新樹對羣山何論多病雲霄上空
老腐儒天地間向夕頻聞嘶驛馬延頭獨更望

鄉關

地驅樂歌

月出欲至入不至自枕左臂寐不寐

雀勞利歌辭

大雪皚皚雀勞利短觚欲飢日暮悲

子規啼

江頭五月子規飛欲曙關山落月微何事忽驚
千里夢朝來且濕客中衣

海門送別

雲盡關山海色開杯盤送別醉江臺孤帆歸去
天涯遠落日煙波疊錦來

桂華樓避暑

六月高樓爲客開入簾落日晚涼催一尊縱使
非河朔自是風流避暑杯

夏日署中口號

橘柚花開玉漏長殿高風色入衣涼偏將恩澤

忘炎熱上苑陰深到建章

季夏得蓴

不待秋風起青蓴下酒香一杯歸興切醉裏卽
爲鄉

病起

病起朝班知幾年白頭自愧月花前扁舟遙泛
江湖興何處秋風萬里天

秋夜

花前把酒恨春風花盡風寒秋葉紅一代寵榮
興廢有流年詩賦姓名空病來枕席傷霜露夢
斷鄉關嘆燕鴻時聽鐘聲傳半夜月輪停午片
雲中

中川舟中得明字

孤帆已隔鳳凰城二總山雲晴復生遙看迴波
兼落日海南萬里接天明

猗蘭臺飲得來字

待君命駕來臺上一樽開非借王喬舄堪含袁
紹杯樹涼城日色風送海雲隈痛飲期投轄何
須不醉回

寄憶友游玉笥山

玉笥山雲晴又陰想君孤館坐來深月明夢斷
秋風裏忍聽哀猿動客心

余一齒前落作一詩今年又落因賦此遣
懷

高歌五十年年年出自口二齒落彌歌傲然宜
下酒

謾成

四望蕭條落葉飛登樓復聽搗寒衣戴星粉署
經秋老泛月白頭何日歸多病風塵爲客久扁
舟湖海與心違願乘一夕張翰興再飽蓴鱸掩
竹扉

送某歸甲州某好吹笛

猗蘭臺集卷之一
三
欲別偏思行路難白猿橋上架雲端知君玉笛
吹秋夜月出羣山古木寒

幽居覺盡甕頭眠天目山東月正圓傳語清風
秋色好一行鴻鴈暮天邊

少年行

白馬金鞍楊柳陰畫樓春色擁花深夜闌斂鬢
勸杯急醉殺誰知舊羽林

高州落日登樓

落日登樓飛鳥還翩翩歸入萬重山望中盡向
秋風去笑殺他鄉雙鬢班

宮詞

日長長信晝眠長傳詔遽催紅粉粧春殿月微
羅帳靜分明深夜侍君王

憶昔增成宮裏人日逢上苑百花香隴隴夜月
過停午空照風前錦帳塵

昨夜秋風過畫樓水聲稍冷御溝流無爲歲月

生長恨塞鴈新來宮燕愁

庚申夏六月予爲五十初度諸君賦詩見
賀設讌蘭臺分韻池字兼賦主恩云

勸我杯尊寧可辭蘭臺朱履設筵時座中歌聽
太平化案上詩同千載暮雲霽上林開玉殿風
來層闕渡瑤池都將恩澤介眉壽歡樂何知白
日移

秋前一日登樓得山字

登樓幾度對關山雲去雲來薄暮間明日秋風
天際起復聞鴻鴈向南還

大磯驛眺望

蒼茫驛路客愁生天盡征帆海水平日落關山
當眼近明朝馬首入雲行

沙陵眺望

沙陵南望大江開雲盡水天孤鴈回落日西山
煙樹暮不知何處澤城臺

早涼

雨晴近望建章宮
把酒登樓落日中
坐裏先知秋色早
上林樹樹起清風

七月登海邊樓得十一九

七月好晴景登臨
百尺樓中天孤嶽
出大海一帆流坐
與波瀾接杯兼星
月浮仙槎應不遠
相醉絳河秋

登關山東望

哀猿啼處已躋攀
更覺客愁雙鬢斑
東望關山秋色落
故人應在彩雲間

聞鴈

一行聲斷一行聞
幾度高齋送鴈羣
獨坐孤燈不得寐
更添半夜雨紛紛

送人歸遠州

憶爾登樓千里看
雪濤出沒遠州灘
到時縱使有秋興
何似一杯今日歡

八月有贈梅花者

不待嚴冬至梅花八月紅贈來看造化高臥弄

瓶中

猗蘭臺集三豪卷之一

